

Inatsisartut suleriaasianni § 37 imm. 1 naappertorlugu Naalackersuisunut apeqqutit imaattut matumuuna saqqummiuppakka:

(Naalackersuisut akissutaannut apeqqummut §37 nr. 2021-087 malitseqartitsilluni apeqquteqaqqinneq).

Naalackersuisunut apeqqutit:

1. Naalackersuisut siumut aalajangereersimappata mittarfiit sanaartorneqarlutik aallatereersut unitsinneqarnissaannik pilersaaruteqartoqanngitsoq, taava misissueqqissaarnerit¹ sumut atorneqarniarpat?
2. Nuummi Ilulissanilu mittarfissat 900 mio.kr.-inik naatsorsuutigisamiit akisunerunerat, qanga KAIR-imiit Naalackersuisuniillu ilisimaneqalerpa? Tassani pineqanngilaq nalaatsornerinnakkut qanga tusagassiuutitigut saqqummiunneqarsimanersut.
3. Mittarfinnut silaannakkullu angallassinermi inatsisit ass. isumannaallisaaikkut qanga allanngortinneqarnikuuppat?
4. Oqartussat mittarfinnut silaannakkullu angallassinermut piumasaqaataasa sakkortusinerat (myndighedskrav) qanoq mittarfinnik sanaartornernut sunniuteqarpat?
5. Mittarfinnut silaannakkullu angallassinernut Inatsisit allanngornerat (ændret lovgivning) qanoq mittarfinnik sanaartornernut sunniuteqarpat?
6. Mittarfiliortiternernut tunngavissat allanngorneri (ændrede forudsætninger) qanoq mittarfinnik sanaartornernut sunniuteqarpat?
7. Ilaasut qanoq amerlatigisut Kangerlussuarmut tikillutillu aallartarpat?
8. Nuummi Ilulissanilu mittarfiit atulernerisa kingorna, sinerissami mittarfiit amigartooruteqarlutik ingerlalertussanut nunatta karsia kiffartuussinissamut isumaqatigiissutikkut qanoq annertutigisumik akiliuteqartalissava?
9. Mittarfissat 900 mio.kr. saniatigut sulii akisuneruleqqissinnaanerat naatsorsuutigineqarsinnaava?

(Inatsisartunut ilaasortaq Anders Olsen, Siumut)

Tunngavilersuutit:

Siullermik qujavunga akissutigineqartunut. Apeqqutikkali naammaginangitsutut akineqarsorigakkit apeqqutinik nassiusseqqippunga, kissaatigalugu tigussaasunik uppersaaserlugit akineqarnissaat.

¹<https://naalackersuisut.gl/~media/Nanoq/Files/Attached%20Files/Infrastruktur/Redegrelse%20om%20Kalaallit%20Airportsgrl.pdf>



Mittarfearfiimmi Namminersorlutik Oqartussat ataanni inissisimmata aammalu nunatta oqaluttuarisaanerani aatsaat taamak annertutigisumik aningaasaliinerit pineqarmata paasisutissat kingunissallu tamaasa Naalackersuisoqarfimmiit pinngitsooratik pigineqarlutillu misissorneqarsimanissaat naatsorsuutigigakku aammalu Naalackersuisut ammasumik ingerlatsinissamik oqariartuuteqarsimanerat tunngavigalugu, paaserusutama pinngitsooratik akineqarnissaat kissaatigaara.

Apeqqutit akineqarnissaat ullut suliffiusut qulit iluini kissaatigaara.